



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LIX. Indulg. plen. perp. in die Dominico pro Eccleciis Societatis Jesu in
Insula Martinica.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Constitutio Ben. XII. qua confirmata faere Privilegia, Libertates, Immunitates, & Indulgentia.

Preces Fratrum Hospitalis pro confirmatione prædicti ob censum S. Sedi non solutum.

Confirmatio relatarum Constitutionum, cum remissione census non soluti, dummodo is in futurum persolvatur.

liceat hanc paginam nostræ confirmationis infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Anagninæ 12. Kal. Julii Pontificatus nostri Anno Secundo. BENEDICTUS EPISCOPUS, Servus Servorum Dei. Dilectus filiis Magistro, Priori, & Fratribus Hospitalis S. Francisci in Pede Pontis Pragen. ad Romanam Ecclesiam nullo medio pertinentis per Magistrum, & Priorem soliti gubernari, Ordicruciferorum cum stella Salutem, & Apostolicam benedictionem. Cum a Nobis petitur, quod iustum est, & honestum, tam vigor æquitatis, quam ordo exigit rationis, ut id per sollicitudinem Officii nostri ad debitum perducat effectum. Ea propter dilecti in Domino filii vestris iustis postulationibus grato concurrentes assensu, omnes libertates, & Immunitates a prædecessoribus nostris Romanis Pontificibus, sive per Privilegia, sive alias Indulgentias vobis, & Hospitali vestro concessas, necnon libertates, & exemptiones Sæcularium exactioum a Regibus, & Principibus, & aliis Christianis rationabiliter vobis indultas, sicut eas iuste, & pacifice obtinetis, vobis, & per vos eidem Hospitali auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Avenione 12. Kal. Julii Pontificatus nostri Anno Quarto.

§. 2. Cum autem sicut eadem expositio subijungebat, census unius Bizantis, seu unius floreni auri Hungarici Apostolicæ Sedi prædictæ juxta priores Gregorii prædecessoris Literas præinsertas ad indicium perceptæ a dicta Sede libertatis annis singulis, sicut præmittitur persolvendus ab anno 1515, propter hæresum calamitates, aliaque adversa, quæ in illis partibus contigerunt, solutus non fuerit; ipsi vero exponentes vereantur, ne ea de causa concessas sibi ab eadem Sede gratias supradictas amiserint, ac propterea opportune tibi in præmissis a Nobis providere, & ut infra indulgeri summopere desiderent: Nos specialem eisdem Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutos fore censentes, supplicationibus eorum nomine nobis super hoc humiliter correctis inclinati, de Venerabilium Fratrum nostrorum Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositorum consilio, omnia, & singula, privilegia, exemptiones, immunitates, facultates, gratias, & Indulta Hospitali prædicto, ejusque personis, a memoratis Gregorio, Innocentio, Alexandro, & Benedicto prædecessoribus per eorum præinsertas literas concessa, ipsasque literas cum omnibus, & singulis in eis contentis auctoritate Apostolica tenore præsentium perpetuo confirmamus, & approbamus, illisque inviolabilis Apostolicæ firmitatis robor, & efficaciam adjicimus. Præterea eisdem Exponentibus terminos census prædicti per eos, ut præfertur, debiti hæctenus decursos, & non solutos, auctoritate, & tenore prædictis gratiose remittimus, & condonamus, & ita tamen ut in futurum eundem censum solvant, alioquin præfens gratia nulla sit.

§. 3. Decernentes eandem præsentem Literas semper firmas, validas, & efficaces existere, & fore, suosque plenarios, & integros effectus fortiri, & obtinere; ac illis ad quos spectat, & pro tempore quodcumque spectabit in omnibus, & per omnia plenissime suffragari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, & Sedis prædictæ Nuncios, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Hospitalis, aliisque quibusvis, etiam Juramento, confirmatione Apostolica, vel quavis firmitate, alia roboratis Statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscator. die XXIII. Julii MDCXCV. Pontificatus Nostri Anno Quinto.

Transfertur Indulgentia Plen. perpetua in Festo S. Ignatii ad diem Dominicum pro Ecclesiis Missionariorum Societatis Jesu in Insula Martinica.

LIX.

Ab Alex. VIII. concessa fuit alia Indulgentia Constit. ed. 1690. Mar. 30. Pont. 1. Et a Bened. XIII. alia conceduntur Const. ed. 1726. Sept. 23. P. 3.

INNOCENTIUS PAPA XII.

Dat. 30. Julii 1695. An. 9.

Ad perpetuam rei memoriam.

Alias fel. rec. Gregorius PP. XV. prædecessor noster volens omnes, & singulas Ecclesias Presbyterorum Societatis Jesu ubique existen. aliquo speciali munere illustrare, auctoritate sibi a Domino tradita, omnibus utriusque sexus Christianis ubique verè pœnitentibus, & confessis, ac Sacra Communionem refectis, qui aliquam ex Ecclesiis dictæ Societatis ubique existen. die Festo Sancti Ignatii ultima Julii celebrari solito a primis Vesperis usque ad occasum solis festi hujusmodi singulis annis devote visitassent, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione piis ad Deum precibus effudissent, plenariam omnium peccatorum suorum Indulgentiam, & remissionem misericorditer in Domino perpetuo concessit, prout in ipsius Gregorii prædecessoris Literis desuper in simili forma Brevis confectis plenius dicitur contineri.

Hæc Indulgentia in festo S. Ignatii concessa fuit a Greg. XV.

§. 1. Cum autem sicut dilectus filius Procurator Generalis dictæ Societatis Nobis nuper exponi fecit, commodius sit Christianis Insula Martinicæ in America Meridionali sitæ ad Ecclesias Presbyterorum Missionariorum Societatis hujusmodi in illis partibus degentium visitan.

Preces Procuratoris Gener. pro translatione Indulgentiæ ad Dominicam intra octavâ dicti Sancti.

præfatam-

præfatamque Indulgentiam consequen. aliquo die festivo, quam feriato accedere, & propterea Indulgentiam prædictam ad Dominicam intra Octavam festi prædicti, quoties illud in diem feriatum cadat, per Nos transferri summopere desideret. Nos ejusdem Procuratoris Generalis supplicationibus Nobis super hoc humiliter porrectis annuere volentes Indulgentiam hujusmodi per dictum Gregorium prædecessorem, ut præfertur concessam, quoad Ecclesias dictæ Societatis in Insula præfata consistentes dumtaxat, quoties Festum S. Ignatii prædictum in diem feriatum cadat ad Dominicam intra illius Octavam, itaut Christiani fideles in Ecclesiis hujusmodi ipsa Dominica adimplentes, eandem prorsus Indulgentiam consequantur, quam consequerentur, si eadem præmissa die festo præfato adimplerent, servata alias in omnibus, & per omnia Literarum prædictarum forma eadem Apostolica auctoritate tenore præsentium perpetuo etiam transferimus. In contrarium facien. non obstantibus quibuscumque.

Datum Romæ apud S. Mariam Majorem sub Annulo Piscatoris die XXX. Julii MDCXCV. Pontificatus Nostri Anno Quinto.

Translatio præd. si festum S. diem feriarum cadat.

LX.

Dividitur Provincia Sardinie FF. Capuccinorum in duas.

Inn. XI. Const. ed. 1677. Nov. 7. P. 1. extat alia divisio Provinciae. Et Const. ed. 1679. Feb. 10. P. 3. erectio novæ Provinciae. Clem. vero XI. Const. ed. 1704. Mar. 1. P. 4. item divisio Provinciae.

Dat. 6. Aug. 1695. An. 5.

INNOCENTIUS PAPA XII.

Ad futuram rei memoriam.

Causæ Divisionis.

PRO parte Charissimi in Christo Filii Nostri Caroli Hispaniarum Regis Catholici Nobis nuper exponi fecit dilectus Filius Nobilis Vir modernus Dux de Medina Cæli ejusdem Caroli Regis apud Nos, & Sedem Apostolicam Orator, quod cum in Regno Sardinie, cujus ipse Carolus etiam Rex existit una dumtaxat Provincia Fratrum Ordinis Minorum S. Francisci Capuccinorum nuncupatorum reperiatur, eaque viginti duobus Conventibus, in quibus quadringenti, vel circiter Religiosi dicti Ordinis degunt, constet, ac pro illius visitatione quotannis necessario juxta eorum Constitutiones faciendâ, plusquam quadringentarum leucarum iter pedibus conficiendum sit, Ministri Provinciales Provincie hujusmodi plerumque in tam longa peregrinatione decedere, aut inutiles per reliquum vitæ eorum tempus remanere solent. Cum autem sicut eadem expositio subungebat, in Capitulo Generali ejusdem Ordinis novissime celebrato pro ejusmodi incommodo tollendo, seu remedio illi rei adhibendo, decretum fuerit, ut memorata Provincia in duas dividatur: Nobis propterea memorati Caroli Regis nomine humiliter supplicatum fuit, ut opportunam ad id facultatem concedere de benignitate Apostolica dignaremur.

§. 1. Nos igitur piis ejusdem Caroli Regis votis hac in re quantum cum Domino possumus, favorabiliter annuere volentes, hujusmodi supplicationibus inclinati, de Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositorum, qui dilectos Filios Procuratorem, & Diffinitores Generales prædicti Ordinis audiverunt, consilio, & attentio, quod pro hoc ipso instant etiam dilecti Filii Minister Provincialis, & Custodes Provincie prædictæ, petitam facultatem dividendi eandem Provinciam auctoritate Apostolica tenore præsentium concedi-

Preces Regis Catholici.

Divisio d. Provincie in duas.

mus, & impartimur; salva tamen semper in præmissis auctoritate Congregationis memoratorum Cardinalium.

§. 2. Decernentes eandem Literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon prædictorum Ordinis, & Provincie, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die VI. Aug. MDCXCVI. Pontificatus Nostri Anno Quinto.

Clausuræ.

ANNO
1695.

ANNO
1695.

LXI.

Confirmatur Decretum Congregationis particularis circa vocem Custodum, & Exministorum Provincialium FF. Capuccinorum in Regnis Hispaniarum, Sardinie, & Majoricæ in Diffinitoriis Provincialibus.

Const. ed. 1693. Mar. 29. P. 2. abrogati fuere Discreti. Et Const. ed. 1693. Sep. 12. P. 3. subrogati fuere Custodes, & Exministri. Clem. vero XI. Constit. ed. 1701. Aug. 28. P. 1. abrogantur Discreti in Provincia Handrobelgiae.

INNOCENTIUS PAPA XII.

Ad futuram rei memoriam.

UPER per Congregationem nonnullorum Venerabilium Fratrum Nostrorum S. R. E. Cardinalium a Nobis particulariter deputatorum accepto, quod ex abolitione Discretorum Conventualium olim eligi consuetorum pro Capitulis Provincialibus Provinciarum in Regnis Hispaniarum existentium, necnon Sardinie, & Majoricæ Ordinis Fratrum Minorum S. Francisci Capuccinorum nuncupatorum, necnon ex subrogatione eorum loco Custodum, & Exministorum Provincialium immediatorum, ipsarum Provinciarum, quas Nos non ita pridem de Congregationis hujusmodi consilio per quosdam nostras in simili forma Brevis Literas feceramus, ortum fuerat dubium: an Custodes, & Exministri Provinciales hujusmodi votum habere deberent in Diffinitoriis earundem Provinciarum, vel potius in solis functionibus Capitularibus, pro declaratione dubii hujusmodi emanavit ab eadem Congregatione Cardinalium Decretum tenoris, qui sequitur, videlicet. - Sacra Congregatio particularis Eminentissimorum, & Reverendissimorum Dominorum Cardinalium per Sanctissimum Dominum Nostrum deputata, censuit, ac declaravit, Custodes, & Exministros Provinciales immediatos vigore Brevium, de quibus agitur, non habere vocem in Diffinitoriis Provincialibus, sed solum in Capitulis: ac prop-

Causa Decreti.

Decretum d. Congregationis.